



POST Greenlandip Nuernermi piumasaqaatai  
1. januar 2010-imeersut

# *Nunatsinni Poortukkanut*



Niuernermi piumasaqaatit uku Nunatsinni Poortukkanik nassiussinernut atuupput. Niuernermi piumasaqaatinut tapiliussatut, POST Greenland pillugu Inatsisartut peqqussutaanni nr. 8, 14. november 2004-meersumi malittarisassat kiisalu TELE Attaveqaatit allanngortinneqarnera pillugu Inatsisartut peqqussutaata allanngortinneqarneranik Inatsisartut peqqussutaat nr. 8, 6. juni 1997-imeersoq aamma atuupput.

Nunatsinni Poortukkat tassaapput poortukkat POST Greenlandimut tunniunneqartut Kalaallit Nunaanni tigusisussanut nassiinneqartussat.

Allamik allassimasoqartinnagu taaneqartut ulluinnaat paasineqassapput ataasinngornermiit tallimanngornermut.

## 1. POORTUKKAT (A-T)

### 1.1 Kiffartuussinermi pitsaassutsikkullu anguniakkat

Poortukkat (A-t) nalinginnaasumik ingerlanneqartarput timmisartukkut siullikkut, angallassisartullu avataaneersut atorneqartarput. Timmisartuni ilaasunik angallassissutini Poortukkat (A-t) inissaqartillutik ilaatinneqartarput – Poortukkallu (A-t) timmisartukkut nassiussanit tamatigut salliutinneqartarput. Angallassinermi allanngortoqarneranut tunngasut [www.post.gl](http://www.post.gl)-imi kiisalu allakkerivimmi paasissutissiinikkut takuneqarsinnaapput.

Pisut ilaanni Poortugaq timmisartukkoortussaq (A) umiarsuakkoortillugu pilertornerusumik ingerlanneqarsinnaasarpoq.

Poortukkanik (A-nik) aatsisoqarneq ajorpoq, tigusisussamulli nalunaarutigineqartarlutik. Poortukkat (A-t) tikinneranniit kingusinnerpaamik akunnerit sisamat qaangiuneranni nalunaarutigineqartarput, imaappoq tigusisussanut postbokselinnut ullormi tikiffianni imaluunniit kingusinnerpaamik aqaguani ullup qeqqata siorna. Tigusisussanut postbokseqanngitsunut nalunaarneq Allakkanut (A-nut) periaaseq atorneqassaaq. Poortukkat (A-t) isumaqatigiittoqarneratigut aammalu akiliuteqarnikkut tigusisussamut ingerlanneqarsinnaapput.

Illoqarfigisap iluani Poortukkat akeqartinneqarput Poortukkatut Økonomi-postpakke-tut (B - umiarsuakkoortut). Allakkerivinni bokselinnut Poortukkat, allakkerivimmut ulluinnarni nal. 15.00 sioqqullugu tunniunneqartut, boksemut ulloq taanna nalunaarutigineqartarput. Tigusisussanut postbokseqanngitsunut illoqarfigisap iluani Poortukkanik nalunaarutiginnermi, Allakkanut (A-nut) periaaseq atorneqartarpoq.

Illoqarfinni nunaqarfinnilu POST Greenlandip allakkeriveqarfiginngisaani Poortukkat POST Greenlandip suleqatigisaanut aaneqarsinnaapput.

### 1.2 Poortukkat angissusissaat

Poortukkat tamarmik angissutsit taaneqartut qaangersimassanngilaat:

**Minnerpaaffissaq:** 14 x 9 cm. Poortugaq ammalortutut amilimasutulluunniit isikkoqaruni: takissuseq 10 cm aamma takissuseq + 2 x diameter/portussuseq = 17 cm.

**Annerpaaffissaq:** takissuseq 150 cm aamma takissuseq + uuttuut takissutsip tungaanut ingerlatinnagu kaajallallunili uuttutigisaq annerpaq = 300 cm. Poortugaq ammalortutut amilimasutulluunniit isikkoqaruni: takissuseq 150 cm aamma diameter/portussuseq = 25 cm.

### 1.3 Oqimaassuseq

Poortukkap poortuutini ilanngullugu oqimaannerpaaffissaraa 50 kg.

### 1.4 Imai

Poortugaq makkuninnga imaqaassanngilaq:

- Aningaasat, check-it angalanermi atugassat, allagartaatit, saffiugassat erlinnartut, soorlu platin, guulti aamma sølvi, ujaqqat erlinnartut kiisalu pigisat akisuut. Poortukkat imaat tamakku taamaattoq killiikkamik nalilerlugit Poortukkatut Tammatsaalisatut imaluunniit Poortukkatut Nalilittut nassiunneqarsinnaapput. Allagartaatit paasineqassapput akiitsut allagartaat, aktiat, check-it cross-igaanngitsut, akiitsukkanut uppersaasatit, nalilinnut uppersaasatit aammalu allagartaatit allat aningaasanik nalilinnut uppersaasaataasut aammalu allagartaammik tigmunnittut kinaaneranik uppersaasaasuusunik allagartaammik tunniussinissamut, allagartaat naapertorlugu aningaasanik akilerneqarnissamut, pigisat nuunneqarsinnaasut tiginissaannik piunnaqarnermut imaluunniit allagartaat naapertorlugu kiffartuussinermik sullinneqarnissamik piunnaqarnermut
- Imarisat ulorianaatillit. Imarisat ulorianaatillit tassaapput akuutissat atorussalluunniit, ilutsimikkut akuutimikkulluunniit inunnu, uumasunut, avatangiisinut (assersuutigalugu nioqqutissiornermi maskinanut aamma nassiussanut allanut) imaluunniit angallassissutigisanut ulorianaateqarsinnaasut. "Nassiussat ulorianaatillit, POST Greenland aqutugalugu nas-siuteqqusaanngitsut" [www.post.gl](http://www.post.gl) -imi takuneqarsinnaapput aammalu allakkerivimmit ilisimatitsissutigineqartarlutik.
- Asiujasut
- Nunap immallu uumasui uumasut, taaneqartunut ilaatinneqarput igutsaat, sullerngit sullineqatiminnik ajoqutaasunik akiuisussat (rovmidet), uumasullu allat qimerloqanngitsut.
- Imassat, qaartartut assigisaallu ilanngullugit.
- Nioqqutissat peqquserlulluni assilisat.
- Inuit toqungasut timaat ilaannakuiluunniit aamma uumasut saanikui.

### 1.5 Poortorneri

Nassiussisup Poortukkap poortorluarneqarsimanissaa akisussaaffigaa. Taamaalilluni nalinginnaasumik allakkerinikkut suliarineqarnerani imaasa isumannaatsumik illersorneqarnerat qulakkeerneqarsinnaaqqullugu, kiisalu allakkap nassiussanik allanik, POST Greenlandimik allanilluunniit ajoqusiinnaanera pinngitsoortissinnaaqqullugu. POST Greenland poortuutip misissornissaa pisussaaffiginngilaa. Poortukkap nassiunneqartussatut tunniunneqarnerani POST Greenlandip paasippagu Poortugaq isumannaatsumik poortugaasimannitsoq, POST Greenland naliliinini naapertorlugu Poortukkamik tiginissaminik itigartitsisinnaatitaavoq imaluunniit nassiussisooq uppersaammik atsiqqusinnaallugu, Poortugaq nassiunneqartoq nassiussisup akisussaaffigisaanik.

Atortut elektroniskiusut, soorlu qarasaasiat, skærminut display-it, fjernsynit, radiot il.il. sananeqarfimminnit poortuutigisaminik pooqassapput.

Imarisat qajannartut (soorlu igalaamengit/marraat) imaluunniit imerpalasut, poortuutissat POST Greenlandip akuerisai poortuutigalugit taamaallaat nassiunneqarsinnaapput.

Poortukkat mianersuutassatut nassiunneqarsinnaanngillat.

### **1.6 Adressekortit - immersugassat**

Nassiussisup immersugassaq immikkut ittoq (adressekorti) Poortukkamut atugassaraa. Immersugassaq allakkerivimmi pineqartarpoq nassiussisumiillu immersorneqassalluni. Immersugassat nassiussisussap aqqanik naqitsivige-riikkat amerlasuunngorlugit akiliilluni pineqarsinnaapput.

### **1.7 Allakkerivimmut tunniussineq**

Poortukkat allakkerivimmut tunniunneqassapput. Allatamik immikkut isumaqatigiissuteqarnikkut aammalu akiliinikkut Poortukkat nassiussisussamut aaneqarsinnaapput. Naammagittaalliornermi uppernarsaat nassarneqassaaq.

### **1.8 Piumasaqarsinnaatitaaffik**

Poortukkami tiguisussatut qaatiguuliussamut tunniunneqarnissaata imaluunniit nalunarutigineqarnissaata tungaanut, nassitsisoq Poortugaq utertikkumallugu allamulluunniit tunniussassanngorumallugu piumasaqarsinnaatitaavoq. POST Greenland Poortukkap utertinneqartup nassiunneqarnermini akianik utertitsineq ajorpoq. Nassiussisup piumasaqarsinnaatitaaffik atorsimappagu, POST Greenland nassiussap utertinneqarluni angallannerani akiusup saniatigut imaluunniit adressemut nutaamut suliasap allanngorteqquneqarneranut suliakkersuummut akiliuteqartitsisinnatitaavoq. Akit akiliutillu taamaattut siusinnerpaamik akileqquneqassapput, nassiussaq allakkerivimmit nassitsivigisamut ingerlatinneqareersimappat.

### **1.9 Tiguisussamut tunniussineq**

POST Greenland Poortukkanik aatsineq ajorpoq. Taamaattoq sullitat immikkut isumaqatigiissuteqarnikkut aammalu akiliuteqarnermikkut Poortukkanik aatsivigineqarsinnaapput.

Poortukkat nassiussisup adressekortimut allassimasaanut adressemut nalunaarutigineqassapput. POST Greenlandip poortugaqarneranik nalunaarut postboksemut ilisarpaa, imaluunniit allakkatut nalinginnaasutut agguatartarlugu. Tiguisussap, imaluunniit tigusinissamut piginnaatinneqartup Poortugaq allakkerivimmut tamatuma kingorna aasinnaavaa poortukkap nalunaarutigineqarnerani ulloq aaneqarfissaa sioqqullugu kinaassutsimik takutitsinikkut. Arfininngornerit, sapaatit nalliuttullu ilanngullugit aallersinnaaneq ullunik 30-nik nalinginnaasumik sivilissuseqartarpoq. Ullut 14-it qaangiunneranni uninngatitsinermit akiliut ilanngunneqartalersarpoq.

POST Greenlandip Poortugaq tiguisussamut tunniussinnaanngippagu aammalu nalunaarugineqarsimaguni, nalunaarummilu ulloq aallersinnaanermut killissarititaasoq qaangiutereersimappat, Poortugaq nassiussisumut utertinneqassaaq Poortukatut umiarsuakkoortutut (B).

### **1.10 Najukkamik allanngineq**

Tiguisussap allamut nuunneq POST Greenlandimut nalunaarutigisimappagu, piffissami nalinginnaasumik qaammatinik arfinilinnik sivilissuse-

qartumi Poortugaq akeqanngitsumik najkkamut nutaamut ingerlateqqinneqartarpoq. Ingerlatitseqqinneq Poortukkatut umiarsuakkoortutut ingerlanneqartarpoq, nassiussisoq imaluunniit tigusisussaq timmisartukkut ingerlanneqarnissaanut tapimik akiliisimangippat.

### **1.11 Poortukkat apuunneqarsinnaanngitsut**

Poortukkat apuunneqarsinnaanngitsut nassiussisuminnut utertinneqartarput. Assersuutigalugu makku pissutaallutik nassiussat apuunneqarsinnaanngillat: Tigusiumasoqanngilaq, tigusisussaq najukkami ilisarisi mane-qanngilaq, qaatiguuliornera amigarpoq assigisaalu. Poortugaq utertinneqartarpoq Poortukkatut umiarsuakkoortutut, nassiussisoq imaluunniit tigusisussaq timmisartukkut ingerlanneqarnissaanut tapimik akiliisimangippat.

Nassiussat apuunneqarsinnaanngitsut pillugit pisuni immikkut illuinartuni POST Greenland pillugu Namminersornerullutik Oqartussat POST Greenland pillugu nalunaarutaanni nr. 6 14. marts 2005-imeersumi allasimasunut ilaasuni, POST Greenland Poortukkamik ammaasinnaatitaavoq.

### **1.12 Allakkerinermi isertuussisussaaneq nassiussanillu ammaaneq**

Nassiussisup allakkerivimmik atuineri sumulluunniit tunngasut POST Greenlandip isertuussassarai. Pisuni immikkorluinnaq ittuni Kalaallit Nunaanni Ilanngaaserinermut oqartussaasunut kiisalu Kalaallit Nunaanni Politeeqarnermut oqartussaasunut tunngassuteqartuni, POST Greenland taamaattoq paasisutissanik taakkununnga tunniussisussanngortinneqarsinnaavoq.

### **1.13 Akit**

Akit qaqugukkulluunniit atuuttut allattorsimaffiat [www.post.gl](http://www.post.gl) -imi aamalu allakkerivinni takuneqarsinnaapput, tassanilu aamma akit atuuttut tamaasa pillugit paasisutissiisoqartarpoq.

Akinik allanngortoqartillugu nunatsinni tusagassiutit aqutigalugit tamanna pillugu ilisimatitsisoqassaaq.

### **1.14 Akiliineq**

Aki nassiussassamik tunniussinermi aningaasanik akilerneqassaaq nasitsisoq akiligassarsinissamik allaganngorlugu POST Greenlandimik isumaqatigiissuteqarsimangippat.

### **1.15 Taarsiissuteqartarneq**

POST Greenland Poortukkap kinguaattoorneranut taarsiissuteqarneq ajorpoq.

Poortugaq tammarsimappat imaluunniit ajoqusersimappat, imaluunniit Poortukkap imai tamakkiisumik ilaannakortumilluunniit aserorsimappata, ajoqusernerannut taarsiisoqassaaq 2.500 kr.-it tikillugit angissusilimmik.

POST Greenlandili taarsiisussaaneq ajorpoq tammarnera innarlernaluunniit nassitsisup kukkunerippagu, nassiussap qanoq iluseqarnera, qajannartumik poortorneqarsimappat imaluunniit pissutsit POST Greenlandip ingalassinnaanngisai atuuppata kingunerilu POST Greenlandip pinngitsoortissinnaanagit.

Ajoqusernertut takoriaannaangitsunut taarsiisoqarneq ajorpoq, aammalu taarsiisoqassanani atortut elektroniskiusut nassiunneqarnerminni puusaviinik poortorneqarsimangippata. Iluaqutissanut annaasanut, ujariatsinermut, nalikillinerani annaasanut imaluunniit ajoqusernerup toqqaannanngikkaluartumik kingunerisaanut allanut taarsiisoqarneq ajorpoq.

Poortugaq aserorneqartoq pillugu POST Greenlandimut maalaaruteqarneq, imaluunniit Poortukkap imaanik tamakkiisumik ilaannakortumilluunniit annaasaqarnermut, ersittumik aserorsimaneranut imaluunniit imaanik tamakkiisumik ilaannakortumilluunniit annaasaqarnermi maalaaruteqarneq, Poortukkap tigunerani erngeluni pissaaq. Piffissaliussaq qaangereersoq maalaaruteqaraanni, allamik uppersaatissaqartoqanngippat, tunngavigineqassaaq Poortugaq nassiunneqarnissaminut tunniunneqarnermini aserorsimangitsoq imaalu aseqqukuunngitsut. POST Greenland taarsiisussaajunnaartarpoq POST Greenlandimut piumasaqaat Poortukkap tiguneraniit qaammatit 12-it qaangiutsinnagit nalunaarutigineqarsimangippat.

POST Greenlandip taarsiisuteqartussaananeranut Inatsisartut POST Greenland pillugu peqqussutaanni nr. 8, 14. november 2004-meersumi malittarisassat aamma atuupput.

Niuernermi piumasaqaatini ukunani, tassalu imm. 1.4-imi aamma 1.5-imi piumasaqaatinut kiisalu Poortukkanut Tammatsaalisanut tunngatillugu imm. 3-mi piumasaqaatinut aammalu Poortukkanut Nalilinnut imm. 4-mi piumasaqaatinut, poortukkap imaanut poortorneqarsimanissaannullu piumasaqaataasunik malinninnginnerup kingunerisaanik POST Greenlandip annaasaqaatigisaanut tunngatillugu, nassiussisoq pisussaavoq POST Greenland qanoq ittumilluunniit annaasaqatsaalissallugu. Tamakku sanaitigut Kalaallit Nunaanni eqqartuussiveqarnerup malittarisassai nalinginnaasut malillugit nassiussisoq taarsiussusaatitaavoq.

### **1.16 Maalaarutit**

Nassitsisup tigusisussalluunniit POST Greenland Poortukkamik ingerlasinera pillugu maalaarutiginiaruniuk, maalaarutini najukkami allakkerivimmut tunniussimassavaa nassiussap POST Greenlandimut tunniunneraniit qaammatit 12-it qaangiutsinnagit. Allakkeriviup aalajangernerera POST Greenland, Qullersaqarfik, Postboks 9999, 3900 Nuummur ingerlatinneqassaaq aalajangiiffigisassatut.

POST Greenlandip Qullersaqarfiata aalajangernerera Naalakkersuisunut maalaarutigineqarsinnaavoq. Inatsisartut peqqussutaanni nr. 8, 14. november 2004-meersumi § 40, imm. 3 naapertorlugu aalajangiinerup maalaarutigineqartup tigunerata kingorna sap. ak. sisamat qaangiutsinnagit maalaarutiginnittoqarsinnaavoq.

## **2. ØKONOMIPOSTPAKKE-T (B-T /UMIARSUAKKUT NASSIUSSAT)**

Poortukkat umiarsuakkoortut (B-t) Poortukkanut timmisartukkoortunut (A-nut) tunngatillugu niuernermi piumasaqaatinut ilaapput, takuuk imm. 1, makkuninngali allaassuteqarlutik:

## **2.1 Kiffartuussinermi pitsaassutsimillu anguniakkat**

Poortukkanut umiarsuakkoortunut (B-nut) anguniagaavoq, Poortukkat (B-t) umiarsuarmut aallartussamut siullerpaamut ilaatinneqartarnissaat.

Poortukkat (B-t) allakkanut boksilinnut ingerlasut nalunaarutigineqarnerat postboksenut ikineqarsimassaaq, Poortukkap allakkerivimmuut tikiunneqarnerata kingorna kingusinnerpaamik ullut marluk qaangiutinnginneranni.

## **3. POORTUKKAT NALILLIT**

Poortukkat timmisartukkoortut (A-t) Nalilittut nassiunneqartut Poortukkanut timmisartukkoortunut (A-nut) aamma Poortukkanut umiarsuakkoortunut (B-nut) niuernermi piumasagaatini imm. 1 aamma 2 naapertorlugit ilaapput, taamaattorli makkuninnga allaassuteqarlutik:

### **3.1 Imai**

Poortugaq Nalilik aningaasanik aamma/imaluunniit allagartaatinik Poortukkami ataatsimi annerpaamik kr. 25.000-nik nalilinnik imaqarsinnaatitaavoq.

Allagartaatit nalingat naatsorsorneqartarpoq allagartaatip nalinga allasimasoq tunngavigalugu. Allagartaammi aningaasat nalinganik allasimasoqanngippat imaluunniit allagartaammi allasimasup aningaasat naligisarpiaat assiginngippagu, aningaasat allagartaammi allasimasut allanneqassapput. POST Greenlandip aningaasanngorlugu nalingata nasitsisumit uppersarneqarnissaa piumasarisinnaavaa.

### **3.2 Nalunaaqutsiineq**

Poortugaq Nalilik poortukkap saqqaani nalunaaqutserneqassaaq "Værdi"-mik, imaatalu nalinga koruuninngorlugu allanneqassalluni. Naliliussatut allanneqartup Poortukkap Nalillip imarisaata nalinga sinnersimassanngilaa, ajornanngilarli imaata nalingata ilaannaata allanneqarsinnaanera. Poortukkanut Nalilinnut aningaasanik aamma/imaluunniit allagartaatinik imalinnut tunngatillugu naliliussap nalinga allanneqarsimasoq imarisaanut tamatigut naapertuutissaaq.

### **3.3 Poortorneri**

Poortukkat Nalillit poortornerat ima qajannaatsigissaaq imatullu suliarineqarsimassalluni susasaqanngitsunit ammarnarneqarsimanera takuneqanngitsoorsinnaassanani. Poortukkat Nalillit naqissuserneqarsimassapput lak-iusumik nipittartumilluunniit naqitsivigineqarsimasumik. Poortugaq Nalilik allunaasamik ungeruserneqarsimappat, nipittartoq poortukkamut ungerutigineqartumit ilorliulluni nipitinneqarsimassaaq. Allakkeriviup Poortugaq Nalilik nipittartumik nipititsivigisinnaavaa akiliisitsilluni.

Poortukkap Nalillip puuata sinai qalipaasigaassanngillat imaluunniit allagartaliigaassanatik nipitittakkamik il.il., taamaallaalli allakkerinnermi allagartaaliussanik nipititsiffigineqarsimassallutik. Poortukkanik Nalilinnik nassiusinermi aningaasat aggorsimasut pineqartillugit, poortorneqarsimanissaat malittarisassaqarpoq immikkut ittunik. Tamanna pillugu paasisutissat annertunerusut allakkerivimmi pineqarsinnaapput.

### **3.4 Allakkerivimmut tunniussineq**

Poortugaq Nalilik allakkerivimmut tunniunneqassaaq. Tunniussinermi nassiussisup immersorsinnaavaa uppersarsaat immikkoortoq nassiussisup tiguisussallu adreesiinik immersuiffissiaasoq, taanna uppersarsaatissaavoq Poortugaq Nalilittut nassiunneqarsimasuusoq. Immersugassiap immersor-neqarsimasup tiguisanera POST Greenlandip atsiornikkut uppersarsaasis-savaa. Naammagittaalliornermi uppersarsaat nassarneqassaaq.

### **3.5 Tiguisussamut tunniussineq**

POST Greenlandip Poortugaq Nalilik atsiortitsinikkut tunniutissavaa.

### **3.6 Taarsiissuteqarneq**

Poortugaq Nalilik innarlerneqarsimappat tammarsimappalluunniit POST Greenland taarsiisussaavoq annerpaamik 25.000 kr.-inik.

POST Greenlandili taarsiisussaaneq ajorpoq tammarnera innarlernaluun-niit nassitsisup kukkunerippagu, nassiussap qanoq iluseqarnera, qajan-nartumik poortorneqarsimappat imaluunniit pissutsit POST Greenlandip ingalassinnaanngisai atuuppata, kingunerilu POST Greenlandip pinngit-soortissinnaanagit.

Iluautissanut annaasanut, ujariatsinermut, nalikillinerani annaasanut imaluunniit ajoqusernerup toqqaannangikkaluartumik kingunerisaanut allanut taarsiisoqarneq ajorpoq.

Taarsiisoqarnissaanik piumasaqarneq POST Greenlandimut nalunaarutigineqartussaavoq Poortukkap Nalillip POST Greenlandimut tunniunneqarne-ranit qaammatit 12-it qaangiutsinnagit, taakkulu qaangerneqarsimappata taarseeqqusissut atorunnaartarpoq.

## **4. NASSIUSSAT AKILEQQAARLUGIT TIGUSASSAT**

Poortukkat timmisartukkoortut (A-t) aamma Poortukkat umiarsuak-koortut (B-t), Akileqqaarlugit tiguneqartussanngorlugit nassiunneqartut Poortukkanut timmisartukkoortunut (A-nut) aamma Poortukkanut umiar-suakkoortunut (B-nut) niuernermi piumasaqaatinut ilaapput, takuuk imm. 1 aamma 2, taamaattorli makkuninnga allaassuteqarlutik:

Aningaasat POST Greenlandip tiguisussamit akileqqusassai kr. 10.000-init amerlanerusimappata, nassiussaq Poortukkatut Nalilittut nassiunneqas-saaq. Nassiussat akileqqaarlugit tigussat annerpaamik akiligassartaqar-sinnaapput 25.000 kr.-inik.

### **4.1 Nalunaaqutsiineq**

Poortukkamik Akileqqaarlugu tigussanngorlugu nassiussinermi nassius-sisup immersugassiaq immersussavaa allallugu nassiussisoq tiguisussarlu, kiisalu tiguisussap akiligassai aningaasat angissusaat.

Poortukkami Akileqqaarlugu tigussami adressede allaffissartaani allanne-qassaaq "Postopkrævning", aningaasallu akileqquneqartut poortukkamut immersukkamullu kroninngorlugit allanneqassapput.

#### **4.2 Allakkerivimmut tunniussineq**

Poortugaq Akileqqaarlugu tiguneqartussaq allakkerivimmut tunniunneqassaaq. Tunniussinermi nassiussisup immersorsinnaavaa uppersaat immikkoortoq nassiussisup tigusisussallu adresseanik immersuiffissiaq. Taanna uppersaatissaavoq Poortugaq Akileqqaarlugu tiguneqartussatut nassiunneqarsimasuusooq. Immersugassiap immersorneqarsimasup tigusimanera POST Greenlandip atsiornikkut uppersaasissavaa. Uppersaasiussaqaq nassarneqassaaq malaaruteqartoqassagaluarpat.

#### **4.3 Piumasaqarsinnaatitaaffik**

Poortukkami tigusisussatut allassimasumut Poortukkap tunniunneqarnissaata imaluunniit nalunaarutigineqarnissaata tungaanut nassitsisusooq piumasaqarsinnaatitaaffeqarpoq, poortugaq tigusissusamut allamut allangortissinnaallugu imaluunniit tigusisusap akiligassaasa aningaasartai allangortissinnaallugit, akilersinnagiluunniit, tunniunneqartussanngorsinnaallugit.

POST Greenland Poortukkap utertinneqartup nassiunneqarnermini akianik utertitsineq ajorpoq. Nassiussisup piumasaqarsinnaatitaaffini atorsimappagu, suliasap allangortinneqarnissaa pillugu POST Greenland nassiussisooq akitsuummik akiliuteqartissinnaavaa.

#### **4.4 Tigusisussamut tunniussineq**

POST Greenlandip Poortugaq Akileqqaarlugu tiguneqartussaq tunniutissavaa akiligassartaata kiisalu akiliutigisap tigusisussaanut nuunneqarneranut akitsuutip akilerneqarneratigut.

#### **4.5 Taarsiissuteqarneq**

POST Greenland poortukkamik Akileqqaarlugu tiguneqartussamik tigusisussamut tunniussipat immersugassiami nassitsisup allassimasai aningaasat akilersinngitsoorlugit, nassitsisup piumasarsinnaavaa aningaasat pineqartut POST Greenlandimit akilerneqarnissaat. Aningaasat annerpaafissaraat 25.000 kr.-it.

